

դտցուք ելս հնարից յօգուտ ազգին» (Չամչ. Գ. 718) :

Եղիազարը յօժարում է գալու, սակայն առաջիկայ գատակական տօնի պատճառով խընդրում է կաթողիկոսին ներողամիտ լինել, խոստանալով զատկից յետոյ անպայման գալ : Եւ յիրաւի, նա կատարում է իր խոստումը : Հոգեգալստից յետոյ, երբ պատրաստում էր Երուսաղէմից ճանապարհ ընկնելու ղէպի Պոլիս, ծերունի կաթողիկոսը հիւանդանում է ու մեռնում, որով նրան զբաղեցնող ցաւոտ հարցը մնում է չլուծուած : Բայց բարեբախտաբար, նրա մահից յետոյ էջմիածնի միաբանութիւնը տակաւ է ունենում եւ հայ ժողովրդի միութիւնն ու խողազութիւնը ամէն բանից վեր զերազատելով, Եղիազարին ընտրում է ամենայն Հայոց կաթողիկոս (1682 թ.), որով մէջտեղից վերանում է խոլովութեան գլխաւոր շարժառիթը :

3.

Ասացինք, որ Ջուղայեցին նշանաւոր է ո՛չ միայն որպէս կաթողիկոս, այսինքն՝ որպէս հայ ժողովրդի եկեղեցական-կրօնական պետ, այլ եւ որպէս քաղաքական գործիչ, իր հօտի ազատազրութեան համար աշխատող :

Բայց նրա քաղաքական գործունէութիւնը լաւ հասկանալու համար՝ անհրաժեշտ է ղէթ հարեւանցիօրէն ծանօթանալ այն պայմաններին, որոնց մէջ սպրեցաւ ու գործեց նա :

Նախ՝ Հայաստանի քաղաքական վիճակը :

Երկու խօսքով եթէ բնորոշելու լինենք այդ վիճակը, պիտի ասենք՝ ուղղակի յուսահատական էր նա, անտանելի— այդ բառերի ամենայն իմաստով :

Մեր երկիրը, իր քաղաքական անկախութիւնը կորցնելուց յետոյ, դժբախտութիւնն ունեցաւ ենթարկուելու մի շարք մոնղոլ-թաթարական ցեղերի արշաւանքներին, որոնք 3-4 դար շարունակ, չտեսնուած ու չյուսած անգթութիւններ գործեցին այնտեղ : Բայց վերջ ի վերջոյ այդ բազմազան ցեղերի միացումից ու խոսնումից կազմակերպուեց 2 զօրեղ պետութիւն Հայաստանի երկու կողմերում — Տաճկաստանը եւ Պարսկաստանը : Սրանք էլ իրենց աւերածութիւններով եւ բարբարոսութիւններով ոչնչով յետ չէին մնում իրենց նա-

խորդներից, մանաւանդ իրենց հպատակ քրիստոնէայ ազգութիւնների նկատմամբ :

Սակայն մասնաւորաբէս հայ ժողովրդի դժբախտութիւնն այն էր, որ այդ երկու պետութիւնները մի անգամից կամ զոնէ կարճ ժամանակի ընթացքում չձեւակերպուեցին, իրենց որոշ տերրիտօրիայով, որոշ հաստատուն սահմաններով : Դրա համար հարկաւոր էին նորից մի քանի դարեր, նոյն պատերազմներ, նորից արիւն եւ աւեր : Խորենացու «Սահման քաջաց զէնն իւրեանց»-ի սկզբունքը ամենայն գործադրութիւնն ունէր թէ մէկ եւ թէ միւս կողմից, այն էլ ամենահէշային արտայայտութիւններով : Իսկ այդ անվերջ կռիւների ու աւերածութիւնների թատերաբեմը դժբախտ Հայաստանն էր, որի արեւելեան գաւառները մանաւանդ — Վան, Արծկէ, Արճէշ, Նախիջևան, Երեւան, Կարս, Լօռի, Գանձակ եւայլն — ձեռքից-ձեռք էին անցնում եւ աւերում ու ամայանում : Այս պատերազմների ժամանակ հայ ժողովուրդը կոտորում էր անհամար քանակութեամբ, տեղահանում եւ դերի էր տարւում տասնեակ հազարներով, դաւանափոխ էր լինում — մի խօսքով հալում էր ե՛ւ Ֆիզիքսայէս, ե՛ւ անտեսապէս, ե՛ւ բարոյապէս :

Աւերածութեան մասին մի ազօտ գաղափար տալու համար՝ բաւական է յիշել բազմաթիւ ղէպերից միայն մէկը — Շահաբասի արշաւանքը եւ հայերի տեղահանութիւնը ղէպի Պարսկաստանի խորքերը, որից յետոյ «անպատ եղև վայելուչ եւ քաղցր աշխարհս մեր» — ասում է Դաւրիժեցին :

Ահաւասիկ միայն մէկ փոքրիկ դրուագը հայ ժողովրդի գլխին պայթած այդ ահռելի աղէտի հէնց իր՝ ժամանակակից պատմագրի՝ անպաճոյճ նկարագրութեամբ.—

«Իսկ Ալլահօվերտի Սանն ելեալ յերեւանայ գնաց յԱրծկէ (որ օսմանցոց ձեռին էր. Ի.) : Իրբու ետես Սանն զամուր միտս բերդականացն թէ ո՛չ տան դրերդն, դարձաւ ի բերդէն եւ յարձակեցաւ ի վերայ գաւառաց աշխարհին եւ զամենայն երկիրն Արծկէոյ հաւասար աւերեաց եւ հրդեհ արկեալ այրեաց, եւ զամենայն արուարս կոտորեաց եւ զինչս եւ զստացուածս՝ զուստերս եւ զզստերս եւ զկանայս յաւար եւ ի գերութիւն առեալ : Եւ ելեալ անտի եկն յԱր-